

15. Jozo Bejić, sekretar Federalnog ministarstva poduzetništva i obrta,
16. Kasema Čatović, sekretar Federalnog ministarstva okoliša i turizma.

II.

Zadatak Radne grupe iz tačke I. ovog rješenja je da, za Vladu Federacije Bosne i Hercegovine, pripremi prijedlog Strategije za borbu protiv korupcije 2015-2019. i Akcionog plana za provođenje strategije za borbu protiv korupcije 2015-2019.

III.

Ovo rješenje stupa na snagu narednog dana od dana objavljivanja u "Službenim novinama Federacije BiH".

V. broj 781/2015
25. juna 2015. godine
Sarajevo

Premijer
Fadil Novalić, s. r.

FEDERALNO MINISTARSTVO PROMETA I KOMUNIKACIJA

945

Na temelju članka 61. stavak 6. i članka 110. stavak 1. alineja 7. Zakona o cestama Federacije Bosne i Hercegovine ("Službene novine Federacije BiH", br. 12/10, 16/10-isp, 66/13), federalni ministar prometa i komunikacija donosi

PRAVILNIK O IZMJENAMA I DOPUNAMA PRAVILNIKA O NAKNADAMA ZA KORIŠTENJE CESTOVNOG ZEMLJIŠTA

Članak 1.

U Pravilniku o naknadama za korištenje cestovnog zemljišta ("Službene novine Federacije BiH", broj 75/10) u članku 1. iza riječi: "Federacije BiH" dodaju se riječi: "osim autocesta, brzih cesta i lokalnih cesta".

Članak 2.

- (1) U članku 3. stavak (1) u četvrtom redu iza riječi: "javne ceste" dodaju se riječi: "elektroenergetske".
(2) U stavku (2) u drugom redu iza riječi: "vodoprivrednih" dodaje se zarez i riječi: "telekomunikacijskih, elektroenergetskih".

Članak 3.

Članak 7. mijenja se i glasi:
"(1) Naknada za korištenje cestovnog zemljišta na koje se plaća naknada sukladno odredbama ovog pravilnika, utvrđuje se na godišnjoj razini i obračunava se:

- a) za obavljanje pratećih djelatnosti iz članka 2. ovog pravilnika kao i za parkirališta i priključke na ceste na koje se plaća naknada sukladno odredbama ovog pravilnika, po četvornom metru površine,
b) za cjevovode, instalacije i vodove, po dužnom metru (u ovisnosti od broja položenih zaštitnih cijevi),
c) za elektroenergetske objekte, elektronske priključke i opremu (stupovi zračne mreže, trafostanice, razvodne ormariće, zdence ili šahtove), telekomunikacijske objekte telefonske i antenske uređaje i opremu (bazne postaje, antenske stupove, radio relejne postaje, zdence ili šahtove i dr.), po komadu.
(2) Naknada iz stavka 1. ovog članka plaća se u konvertibilnim markama, unaprijed, u jednokratnom iznosu i visina iste ovisi o intenzitetu prometa, od svrhe za koju je namijenjeno cestovno zemljište i od kategorije javne ceste.
(3) Naknada za građenje komunalnih, vodoprivrednih, telekomunikacijskih, elektroenergetskih i drugih objekata (instalacije, cjevovode i sl.) se za prvu godinu plaća u

punom obračunatom iznosu, a za svaku narednu godinu naknada se plaća u vrijednosti od 30% obračunatog iznosa za prvu godinu korištenja.

- (4) Na dionicama magistralnih i regionalnih cesta koje prolaze kroz gradove naknada za korištenje cestovnog zemljišta se ne naplaćuje.
(5) Naknada za korištenje cestovnog zemljišta za regionalne ceste umanjuje se za 20% od naknade za korištenje cestovnog zemljišta za magistralne ceste.
(6) Ukoliko investitor ne počne sa gradnjom objekta, priključka ili ne izvrši polaganje instalacija prema postavljenom roku i uvjetima iz rješenja o odobrenju odnosno suglasnosti, obavezan je o tome izvijestiti upravitelja ceste, te ako želi zadržati pravosnažno rješenje o odobrenju odnosno suglasnosti a nije počeo koristiti cestovno zemljište obavezan je plaćati naknadu za korištenje cestovnog zemljišta umanjenu za 50% od utvrđene naknade."

Članak 4.

Članak 12. mijenja se i glasi:

"Rješenja o korištenju cestovnog zemljišta donesena prije stupanja na snagu ovog Pravilnika ostaju na snazi do isteka roka na koja su donesena, nakon čega će se donijeti rješenje o korištenju cestovnog zemljišta u skladu sa ovim pravilnikom."

Članak 5.

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 08-02-2-806/15
Lipnja 2015. godine
Mostar

Ministar
Denis Lašć, v. r.

Na osnovu člana 61. stav 6. i člana 110. stav 1. alineja 7. Zakona o putevima Federacije Bosne i Hercegovine ("Službene novine Federacije BiH", br. 12/10, 16/10-isp, 66/13), federalni ministar prometa i komunikacija donosi

PRAVILNIK O IZMJENAMA I DOPUNAMA PRAVILNIKA O NAKNADAMA ZA KORIŠTENJE PUTOG ZEMLJIŠTA

Član 1.

U Pravilniku o naknadama za korištenje putnog zemljišta ("Službene novine Federacije BiH", broj 75/10) u članu 1. iza riječi: "Federacije BiH" dodaju se riječi: "osim autoputeva, brzih puteva i lokalnih puteva".

Član 2.

- (1) U članu 3. stav (1) u četvrtom redu iza riječi: "javne puteve" dodaju se riječi: "elektroenergetske".
(2) U stavu (2) u drugom redu iza riječi: "vodoprivrednih" dodaje se zarez i riječi: "telekomunikacijskih, elektroenergetskih".

Član 3.

Član 7. mijenja se i glasi:

"(1) Naknada za korištenje putnog zemljišta na koje se plaća naknada u skladu sa odredbama ovog pravilnika, utvrđuje se na godišnjem nivou i obračunava se:

- a) za obavljanje pratećih djelatnosti iz člana 2. ovog pravilnika kao i za parkirališta i priključke na ceste na koje se plaća naknada u skladu sa odredbama ovog pravilnika, po kvadratnom metru površine,
b) za cjevovode, instalacije i vodove, po dužnom metru (u zavisnosti od broja položenih zaštitnih cijevi),